

Na osnovu člana 257. tačka f) i 263. stav 3. Zakona o privrednim društvima ( „Službene novine Federacije BiH“, broj: 81/15), člana 8. Zakona o ministarskim, vladinim i drugim imenovanjima u Federaciji BiH ("Službene novine FBiH", broj: 34/03, 65/13), člana 136. i 137. Statuta Rudnika soli "TUZLA" d.d. Tuzla, broj: 02-01/16-2958 od 29.08.2016. godine i Stauta o izmjenama i dopunama Statuta Rudnika soli „TUZLA“ d.d. Tuzla, broj: 02-01/20-745, od 18.02.2020.godine, Nadzorni odbor u skladu sa Odlukom o raspisivanju oglasa za Javni konkurs za izbor i imenovanje Uprave Rudnika soli "TUZLA" d.d. Tuzla, broj: 01-03/23-3527 donesena na 1.redovnoj sjednici Nadzornog odbora od 29.08.2023.godine, ovim putem raspisuje:

**OGLAS**  
**ZA JAVNI KONKURS**  
**za izbor i imenovanje Direktora Rudnika soli "TUZLA" d.d. Tuzla**

**I**

**Oglašava se Javni konkurs za izbor i imenovanje Direktora DIONIČKOG DRUŠTVA RUDNIK SOLI „TUZLA“ TUZLA, skraćeni naziv: Rudnik soli „TUZLA“ d.d. Tuzla (u daljem tekstu: Društvo), sa sjedištem u Ulici Tušanj, broj: 66, 75 000 TUZLA.**

Mandat Direktora traje četiri godine, bez ograničenja mogućnosti ponovnog imenovanja, a ovlaštenja, odgovornosti i prava Direktora uređuju se ugovorom koji s Direktorom zaključuje Nadzorni odbor i to u ime i za račun Društva.

**I- DIREKTOR**

Mjesto rada Direktora je mjesto sjedišta Društva upisano u sudski registar.

**KRATAK OPIS POSLOVA**

Direktor je zakonski zastupnik Društva, predsjedava Upravom, rukovodi poslovanjem, zastupa i predstavlja Društvo i odgovara za zakonitost poslovanja.

**II**

**Lice koji se kandiduje za Direktora Društva, mora ispunjavati slijedeće uslove:**

**A. OPĆI**

1. da je državljanin Bosne i Hercegovine i da ima prebivalište u BiH (dokaz: uvjerenje o državljanstvu i dokaz o prebivalištu u BiH),
2. da je stariji od 18 godina, ali ne stariji od 65 godina (dokaz: rodni list ili kopija lične karte),
3. da je zdravstveno sposoban za obavljanje poslova na koje se kandiduje (dokaz: uvjerenje o zdravstvenoj sposobnosti – dostavlja izabrani kandidat),
4. da nije otpušten iz državne službe, kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije (dokaz: uvjerenje nadležnog organa za kandidate koji su bili zaposleni ili su još uvijek zaposleni u organima državne uprave, a za kandidate koji ne rade niti su radili u organima državne službe - dokaz: izjava kandidata potpisana i ovjerena od strane nadležnog organa),
5. da nije osuđivan za krivično djelo ili prekršaj koji predstavlja smetnju za imenovanje na upražnjenu poziciju, u roku od 5 godina, računajući od dana izdržane, izvršene ili

- oproštene kazne (dokaz: uvjerenje nadležnog suda i izjava potpisana od strane kandidata i ovjerena od strane nadležnog organa),
6. da mu odlukom Suda nije zabranjeno obavljanje aktivnosti na koju se kandiduje (dokaz: izjava potpisana od strane kandidata i ovjerena od strane nadležnog organa),
  7. da se na njega ne odnosi član IX.1. Ustava BiH (dokaz: izjava potpisana od strane kandidata i ovjerena od strane nadležnog organa),
  8. da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti u FBiH (dokaz: izjava potpisana od strane kandidata i ovjerena od strane nadležnog organa),
  9. Da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima FBiH (dokaz: izjava potpisana od strane kandidata i ovjerena od strane nadležnog organa),
  10. Da se ne radi o licu koje bi moglo biti u konkurentskom odnosu sa društvom u smislu odredaba Statuta Rudnika soli „TUZLA“ d.d. Tuzla, broj: 02-01/16-2958 od 29.08.2016. godine (dokaz: izjava potpisana od strane kandidata i ovjerena od strane nadležnog organa),
  11. Da u društvu nije predsjednik ili član nadzornog odbora ili odbora za reviziju (dokaz: izjava potpisana od strane kandidata i ovjerena od strane nadležnog organa),
  12. Da ne postoje druge zakonske smetnje za obavljanje poslova za koje kandidat konkuriše (dokaz: izjava potpisana od strane kandidata i ovjerena od strane nadležnog organa).

## **B. POSEBNI**

1. VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, iz tehničke, ekonomske, pravne struke i svih ostalih društvenih smjerova.
2. najmanje pet godina radnog iskustva nakon sticanja stepena stručnog obrazovanja, od čega najmanje tri godine provedenih na rukovodećim poslovima u privredi.
3. da ponudi vlastiti Plan i program rada Društva za mandatni period za koji se imenuje

### **III**

Uz prijavu na Konkurs potrebno je dostaviti i slijedeću dokumentaciju (original ili ovjerene kopije):

- Biografija, adresa i kontakt telefon,
- Izvod iz matične knjige rođenih
- Uvjerenje o državljanstvu (ne starije od 3 (tri) mjeseca),
- Ovjerena izjava za uslove iz tačke II, potačka 4.,
- Uvjerenje nadležnog Suda i izjava za uslove iz tačke II podtačka 5. 6. (ne starije od 3 (tri) mjeseca),
- Izjava za uslove iz tačke II, podtačka 7. 8. 9. 10. 11. i 12.
- dokaz o završenoj školskoj spremi – diploma o visokoj stručnoj spremi, odnosno diploma visokog obrazovanja najmanje drugog ciklusa Bolonjskog sistema obrazovanja
- dokaz o ukupnom radnom iskustvu stečenom u struci,
- plan i program rada Društva za mandatni period za koji se imenuje
- uvjerenje ili certifikat da je kandidat prošao odgovarajuće usavršavanja u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno izjavu da preuzima obavezu da usavršavanje obavi u roku od 6 mjeseci a kako je utvrđeno Uredbom Vlade Federacije BiH (dokaz: dokument kojim se dokazuje

da su prošli odgovarajuće usavršavanje ili izjava da preuzimaju obavezu usavršavanja, potpisana i ovjerena od strane nadležnog organa)

Uvjerenje o zdravstvenoj sposobnosti kandidat je dužan dostaviti nakon konačnog imenovanja na dužnost Direktora Rudnika soli "TUZLA" d.d. Tuzla.

Svaki kandidat za direktora dužan je prije imenovanja dati pisanu izjavu prihvatanju kandidature, isključenju konkurencije, u smislu odredaba Statuta Rudnika soli „TUZLA“ d.d. Tuzla broj: 02-01/16-2958 od 29.08.2016. godine i o vrijedonosnim papirima društva koje posjeduje.

#### **IV**

U izbornom postupku, Nadzorni odbor ocjenjivanjem stručne sposobnosti i Plana i programa rada za mandatni period za koji je konkurs raspisan, dostavljenog uz prijavu, utvrđuje rezultat kandidata i sačinjava listu prijedloga za imenovanje.

#### **V**

Sve informacije u toku postupka kandidovanja su transparentne, osim ako informacije podnosioca prijave nisu povjerljive u smislu Zakona o zaštiti ličnih podataka («Službeni glasnik BiH» broj:49/06, 76/11 i 89/11).

Kontakt osoba: Anel Dadanović, dipl.pravnik.

#### **VII**

Rok za podnošenje prijave i Plana i programa rada za mandatni period za koji je konkurs raspisan, dostavljenog uz prijavu je 15 dana od dana objave Javnog konkursa.

#### **VII**

Prijave sa traženom dokumentacijom potrebno je dostaviti lično ili preporučenom poštom na adresu:

**Rudnik soli "TUZLA" d.d. Tuzla  
Ulica Tušanj, broj: 66, 75000 Tuzla**

**Na koverti naznačiti „Prijava na Oglas za javni konkurs za izbor i imenovanje direktora“ – «ne otvarati»**

**Neblagovremene, nedopuštene, nepotpune i nerazumljive prijave, bit će odbačene zaključkom, protiv kojeg nije dopuštena posebna žalba.**

**Predsjednik Nadzornog odbora  
Emir Hadžimešić, dipl.pravnik**